

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXLVIII. De dispensatione a voto perseverantiæ pro Congregatione
Clericorum Doctrinæ Christinæ.

[urn:nbn:de:hbz:466:1-74715](#)

mus. Præsentibus perpetuis futuris temporibus valituris.

§. 5. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constituta munitis, eadem proflus fides ubique habeatur, que haberetur ipfis præsentibus, si forent exhibitæ, vel ostense.

Datum Romæ apud Sanctam Mariam Majorem sub Anulo Piscatoris die XXIX. Julii MDCCXVI. Pontificatus Nostri Anno Decimo-sesto.

CXLVIII.

Reservatur Summo Pontifici dispensatio a Voto perseverantia pro Congregatione Clericorum Doctrinæ Christianæ.

De dispensatione Voti, ac juramenti horum Clericorum vide Inn. XII. Conf. ed. 1699. Jun. 23. P. 8. De suffragio deliberativo pro Definitore adjuncto hujus Pontificis Conf. ed. 1714. Jun. 11. P. 14. Et Bened. XIII. Conf. ed. 1723. Nov. 24. P. 1. extat eadem reservatio pro Congregatione in Regno Neapolitano.

Dat. 28. Sept. 1716. An. 16.

CLEMENTS PAPA XI.

Ad futuram rei memoriam.

In Capitulo Gen. 1715. decretum fuit, ut Novitiis emittentibus stabilitatis votum, cuius dispensatio spectaret ad Rom. Pontificem.

Præces Congregationis.

Reservatio d. dispensationis pro ingressu tantum secundum Congregationis Concilii Decretum.

Clausulæ.

Exponi Nobis nuper fecerunt Dilecti Filii Præpositus, Diffinitores, ac Presbyteri Congregationis Doctrinæ Christianæ de Urbe, quod ipsi ad augendam, & conservandam eorum Congregationem in Capitulo Generali die 14. Maii anni proxime præteriti habito, illique præsidente dilecto filio nostro Francisco Maria Casini tituli Sanctæ Priscae S. R. E. Presbytero Cardinali Sanctæ Priscae nuncupato Visitatore Apostolico Congregationis hujusmodi a Nobis deputato decreverunt, ut de cetero Novitii post probationis annum votum stabilitatis, cuius dispensatio Nobis, & Romano Pontifici pro tempore existenti reservata sit, emittere teneantur. Nobis properea humiliter supplicari fecerunt, ut in præmissis opportune provideire, & ut infra indulgere de benignitate Apostolica dignaremur.

§. 1. Nos igitur dictos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penitis a jure, vel ab homine, quavis occasione, vel causa latis, si quibus quomodolibet innodatae existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini Interpretum, qui ad Dubium propositum, an & quomodo prefatorum exponentium precibus effet indulgendum in casu &c. affirmative pro ingressur tantum, responderunt consilio, dispensationem super dicto Voto perseverantia Nobis, & Romano Pontifici pro tempore existenti dumtaxat auctoritate Apostolica tenore præsentium reservamus, & quatenus e dicta Congregatione sine dispensatione hujusmodi egrediantur ab exercitio Sacrorum Ordinum suspensi remanere debeant, salva tamen semper in præmissis auctoritate Congregationis eorumdem Cardinalium.

§. 2. Decernentes easdem præsentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandcumque spectabili, inviolabiliter observari: sive in præmissis per quocumque Judices Ordinarios, & Delegatos, etiam

Causarum Palatii Apostolici Auditores judicari, & definiri debere; ac irritum, & inane si fecus super his a quoquam, quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon dictæ Congregationis Doctrinæ Christianæ, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo labore permanens, ad præmissorum effectum hac vice dumtaxat specialiter, & expresse derogamus, ceterisque contraria quibuscumque.

Datum Romæ apud Sanctam Mariam Majorem sub Anulo Piscatoris die XXVIII. Septembris MDCCXVI. Pontificatus nostri Anno Decimo-sesto.

Conceditur Provincia Silesia Monachorum Cisterciensium, communicatio Indulgentiarum totius Ordinis, & Monasteriorum Superioris Germaniae.

Eamdem communicationem quinimo ampliorem vide concessam pluribus Provinciis Conf. ed. 1715. Mar. 7. P. 15. Et Bened. XIII. Conf. ed. 1728. Jan. 25. P. 5. confirmantur privilegia Ordinis.

CLEMENTS PAPA XI.

Ad perpetuam rei memoriam.

Pastoralis officii, quod Authore Deo gerimus, debitum exigit, ut paternam Christifidelium divinis obsequiis sub suavi monastica vita iugulo mancipatorum curam gerentes, felicibus eorum in via Domini progressibus, quantum Nobis ex alto conceditur, consulere jugiter studeamus.

§. 1. Cum itaque, sicut dilecti filii moderni Visitator, & Vicarius Generalis, aliqui Prelati Provincia Silesia Ordinis Cisterciensium. Nobis nuper exponi fecerunt, ipsi privilegia, gratias, & indulta quibus dictus Ordo Cisterciensium, ejusque Monachi Germania Superioris fruuntur, sibi, ac omnibus dictæ Provincia Monasteriis, quemadmodum aliis Monasteriis Ordinis hujusmodi a Sede Apostolica concessum fuisse memoratur a Nobis communicari plurimum desiderent. Nos ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & penitis a jure, vel ab homine, quavis occasione, vel causa latis, si quibus quomodolibet innodatae existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praepostorum, qui relationem dilecti, etiam filii moderni Procuratoris Generalis dicti Ordinis super præmissis eisdem Cardinalibus factam attenderunt consilio, enarratam communicationem privilegiorum quoad Indulgencias tantum prædictis Prelatis, & Monasteriis Provincia Silesia hujusmodi, auctoritate Apostolica tenore præsentium concedimus; salva tamen semper in præmissis auctoritate Congregationis eorumdem Cardinalium.

§. 2. Decer-

ANNO
1716.

CXLIX.

Dat. 8. Oct. 1716. An. 16.

Exordium.

Preces Prae-
latorum pro
privilegiis
universis.

Concessio
quoad Indul-
gentias tan-
tum.